

ერთის მხრივ ა(ა)იპ „სოფლის მეურნეობის პროექტების მართვის სააგენტო“ (შემდგომში „შემსყიდველი“), წარმოდგენილი დირექტორის მოადგილის ოთარ შამუგიას სახით და მეორეს მხრივ შპს „ჯეონეთი“ (შემდგომში „მიწოდებელი“), წარმოდგენილი დირექტორის ალექსანდრე ქვეციშვილის სახით ვხელმძღვანელობთ რა „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, ვდებთ წინამდებარე ხელშეკრულებას შემდეგზე:

1. ხელშეკრულების საგანი და კლასიფიკატორის კოდი

- 1.1 ხელშეკრულების საგანია, შემსყიდველის სარგებლობაში არსებული IP სატელეფონო ნომრისთვის (2 47 01 01 – ცხელი ხაზი) საოფისე სატელეფონო სადგურზე (PBX) Asterisk Manager Interface-ის კონფიგურაცია და CRM სისტემის დაშვების პარამეტრების გაწერის მომსახურების შესყიდვა წინამდებარე ხელშეკრულებაში გათვალისწინებული პირობებით.
- 1.2 კლასიფიკატორის კოდი: CPV – 50334400

2. შესყიდვის ობიექტის ხარისხი

2.1 მიწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

3. მომსახურების გაწევის ვადები და ადგილი

3.1 მომსახურების გაწევის ვადა: შემსყიდველის მიერ თავის საკუთარებაში არსებული სერვერის საკონფიგურაციო მონაცემების სრულად მიწოდებიდან 3 (სამი) სამუშაო დღის განმავლობაში. მონაცემების მიწოდება შემსყიდველის მიერ განხორციელდება წერილობითი (მათ შორის ელექტრონული ფოსტით) ფორმით.

3.2 მომსახურების გაწევის ადგილი: ქ. თბილისი, ახმეტელის 10ა, ა(ა)იპ „სოფლის მეურნეობის პროექტების მართვის სააგენტო“.

4. შესყიდვის ობიექტის ღირებულება, მიღება-ჩაბარების წესი და ანგარიშსწორება.

4.1 შესყიდვის ობიექტის საერთო ღირებულება შეადგენს 150.00 (ას ორმოცდაათი ლარი და 00 თეთრი) ლარს, საქართველოს კანონმდებლობით გათვალისწინებული გადასახადების ჩათვლით.

4.2 მომსახურების მიღება მოხდება ფაქტობრივად გაწეული მომსახურების შესაბამისად მხარეთა უფლებამოსილი წარმომადგენლების მიერ გაფორმებული მიღება-ჩაბარების აქტის საფუძველზე.

4.3 ანგარიშსწორება მოხდება ფაქტობრივად გაწეული მომსახურების შესაბამისად, ორმხრივად ხელმოწერილი მიღება-ჩაბარების აქტისა და შესაბამისი საფინანსო დოკუმენტაციის (საგადასახადო ანგარიშ-ფაქტურა, ინვოისი ან სხვ.) საფუძველზე, მათი წარმოდგენიდან არაუგვიანეს 10 (ათი) სამუშაო დღის ვადაში.

4.4 ანგარიშსწორების ფორმა: უნაღდო.

4.5 ანგარიშსწორება განხორციელდება ლარში, 2017 წლის საკუთარი სახსრებით.

4.6 იმ შემთხვევაში, თუ შემსყიდველი არ დაეთანხმება 4.3 პუნქტის შესაბამისად წარმოდგენილი საფინანსო დოკუმენტაციის (საგადასახადო ანგარიშ-ფაქტურა, ინვოისი ან სხვ.) შემსყიდველი უფლებამოსილი მოსთხოვოს მიწოდებელს მომსახურების ღირებულების დამადასტურებელი სხვა დოკუმენტაცია.

4.7 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე, ასევე მომსახურების გაწევისთვის საჭირო ინფორმაციის მიწოდებაზე პასუხისმგებელ პირებს წარმოადგენენ ა(ა)იპ „სოფლის მეურნეობის პროექტების მართვის სააგენტოს“ საინფორმაციო სამსახურის უფროსი ია ჭუბაბრია და საინფორმაციო ტექნოლოგიების სამსახურის უფროსი ნიკოლოზ წიკლაური.

5. მხარეთა უფლებები და ვალდებულებები

5.1. მიწოდებელი ვალდებულია:

5.1.1 შემსყიდველს მიაწოდოს ხარისხიანი მომსახურება;

5.1.2 მიწოდებელი ვალდებულია შემსყიდველის კუთვნილ სერვერზე უზრუნველყოს Asterisk Manager Interface-ის კონფიგურაცია და CRM სისტემის დაშვების პარამეტრების გაწერა ამ ხელშეკრულებით გათვალისწინებული პირობების შესაბამისად.

5.1.3 შემსყიდველის წერილობითი შეტყობინებიდან გონივრულ ვადაში მოახდინოს ყოველგვარი შეფერხებისა ან/და დაბრკოლების აღმოფხვრა საკუთარი რესურსით.

5.1.4 დაიცვას ხელშეკრულებით გათვალისწინებული ყველა პირობა.

5.2. მიმწოდებელს აქვს უფლება:

5.2.1 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;

5.2.2 მოითხოვოს შემსყიდველისაგან ხელშეკრულების სხვა პირობების დაცვა.

5.3. შემსყიდველი ვალდებულია:

5.3.1 ხელშეკრულების გაფორმებიდან არაუგვიანეს 2 (ორი) სამუშაო დღის განმავლობაში მიაწოდოს მიმწოდებელს სატელეფონო სადგურზე (PBX) წდომის პარამეტრები.

5.3.2 მოახდინოს ანგარიშსწორება მიმწოდებელთან ამ ხელშეკრულებით განსაზღვრულ ვადებში;

5.3.3 დაიცვას ხელშეკრულებით გათვალისწინებული პირობები.

5.4. შემსყიდველს აქვს უფლება:

5.4.1 შეამოწმოს მომსახურების ხარისხის შესაბამისობა ხელშეკრულებით გათვალისწინებულ პირობებთან;

5.4.2 მოსთხოვოს მიმწოდებელს ხელშეკრულების პირობების ჯეროვანი, დროული და კეთილსინდისიერი შესრულება;

5.4.3 წერილობითი ფორმით გონივრულ ვადებში აცნობოს მიმწოდებელს მომსახურების მიწოდების დროს აღმოჩენილი ნაკლის შესახებ;

5.4.4 მოითხოვოს მიმწოდებლისგან ხელშეკრულების სხვა პირობების დაცვა.

6. ხელშეკრულების ინსპექტირების პირობები

6.1 შემსყიდველი უფლებამოსილია მოახდინოს მომსახურების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

6.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს დაწუნებული მომსახურების ნაწილის და წუნდების მიზეზების მითითებით.

6.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

6.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ამ ხელშეკრულების 4.7 პუნქტში მითითებული პირები.

7. მხარეთა პასუხისმგებლობა ხელშეკრულების დარღვევისას

7.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

7.2 ხელშეკრულების პირობების შეუსრულებლობისთვის მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 20%-ის ოდენობით.

7.3 ხელშეკრულების პირობების არაჯეროვანი შესრულებისთვის (მათ შორის, ვალდებულების შესრულების ვადაგადაცილების დროს) მიმწოდებელს ეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 %-ის ოდენობით.

7.4 ხელშეკრულების ნაწილობრივ შესრულების შემთხვევაში, მიმწოდებელს ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

7.5 ხელშეკრულების ამ მუხლის 7.2 და 7.4 პუნქტებით გათვალისწინებული საჯარიმო სანქციები გამოიყენება მიმწოდებლის მიერ არასაპატიო მიზეზით ხელშეკრულების შეწყვეტის შემთხვევაში.

7.6 თუ შემსყიდველი არ ასრულებს წინამდებარე ხელშეკრულების 4.3 პუნქტის მოთხოვნებს, ეკისრება პირგასამტეხლოს გადახდა, მიმწოდებლის მიერ შესრულებული ვალდებულების მიხედვით ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

7.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

7.8 დარიცხული პირგასამტეხლოს გადახდა ხელშეკრულების მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 20 (ოცი) კალენდარული დღის განმავლობაში.

7.9 იმ შემთხვევაში, თუ მიმწოდებელს არ აქვს გადახდილი დაკისრებული პირგასამტეხლო სრულად, შემსყიდველი არ მოახდენს წინამდებარე ხელშეკრულების 4.3 პუნქტით გათვალისწინებულ ანგარიშსწორებას.

8. ფორს-მაჟორი

8.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შედავათები არ ვრცელდება.

8.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

8.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

9. ხელშეკრულების მოქმედების ვადა

9.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 18 სექტემბრის ჩათვლით.

9.2 ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებების სრული და ჯეროვანი შესრულებისგან.

10. ხელშეკრულებაში ცვლილებების შეტანა

10.1 სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

10.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

11.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

ა) იმ შემთხვევაში თუ ხელშეკრულების არაჯეროვნად შესრულებისთვის (მათ შორის, ვალდებულების შესრულების ვადაგადაცილების დროს) დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 0.2 %-ს;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

11.6 ამ მუხლის 11.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. დავები და მათი გადაწყვეტის წესი

12.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 შეტყობინება შედის ძალაში ადრესატის მიერ მისი მიღების დღეს.

14. სხვა პირობები

14.1 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები:

შემსყიდველი:

ა(ა)იპ „სოფლის მეურნეობის პროექტების მართვის სააგენტო“

ს/კ 404923785

მის: ქ. თბილისი, მარშალ გელოვანის 6

მიმღების ბანკი - სახელმწიფო ხაზინა

მიმღების დასახელება - ხაზინის ერთიანი ანგარიში

ბანკის კოდი - TRESGE22

მიმღების ანგარიში - GE24NB0330100200165022

მიმწოდებელი:

შპს „ჯეონეტი“

ს/კ: 204918321

ქ. თბილისი, ვაჟა-ფშაველას გამზ. 41

ტელ.: 247 00 00 ფაქსი: 247 00 01

ელ. ფოსტა: info@geonet.ge

ვებ: www.geonet.ge

სს საქართველოს ბანკი, BAGAGE22

ა/ა GE43 BG0000000118402601

ოთარ შამუგია



ალექსანდრე ქევიციანი

ხელწერილი

ინტერესთა კონფლიქტის არარსებობის შესახებ

ქ. თბილისი

11 აგვისტო 2017 წელი

ჩვენ, ქვემოთ ხელის მომწერნი ვადასტურებთ, რომ შემსყიდველის სარგებლობაში არსებული IP სატელეფონო ნომრისთვის (2 47 01 01 – ცხელი ხაზი) საოფისე სატელეფონო სადგურზე (PBX) Asterisk Manager Interface-ის კონფიგურაცია და CRM სისტემის დაშვების პარამეტრების გაწერის მომსახურების შესყიდვის განხორციელებასთან დაკავშირებით, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.


დირექტორის მოადგილე

ო. შამუგია -



საინფორმაციო სამსახურის უფროსი

ი. ჭუბაბრია -



ინფორმაციული ტექნოლოგიების სამსახურის უფროსი -

ნ. წიკლაური -

